



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1735. usque ad annum 1737

**Fleury, Claude**

**Augustæ Vindelicorum [u.a.], 1786**

**VD18 90119347**

§. 75. Principes atque Illustres hoc anno denati.

---

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

Sæc. XVIII.  
A. C. 1736.

bebatur, probandum esse edixit: de-  
 mum quoad S. Oleorum distributionem  
 præcepit, ut eædem pecuniarum obla-  
 tiones, quæ, cum S. Olea a Patriar-  
 cha distribuèrentur, eidem ad susten-  
 tanda Patriarchalis officii onera exhi-  
 beri consueverant, nomine subsidii  
 charitativi ad omnem propellendam  
 simoniæ suspicionem deinceps Patriar-  
 chæ traderentur, hacque ratione Pon-  
 tificæ æquis hujus Patriarchæ postulatis  
 benignissime prospexit. Et tamen,  
 quod mirum est, nec Synodi Patres,  
 nec Clemens XII. nec Benedictus XIV.  
 ambo illuminatissimi Pontifices, nihil  
 omnino in Maronitis reperere, quod  
 plenæ cum Ecclesia Catholica unioni  
 contrarium esset. Hæc ergo publicæ  
 fidei monumenta evolvere, non pigeat  
 A catholicos, si deinceps de Maronita-  
 rum Religione &c. Historiam concinna-  
 re moliuntur, ne tam foedis hallucina-  
 tionibus sese omnium ludibrio expo-  
 nant.

§. LXXV.

*Principes atque Illustres hoc anno  
 denati.*

Fuit hic annus plurium Principum,  
 Præsulumque obitu memorabilis;  
 B b 5 præ-

Sæc. XVIII. præprimis enim Franciscus Ludovicus  
 A. C. 1736. Schenk, Comes de Castell. S. R. I.  
 Princeps & Episcopus Eichstadiensis die  
 decima septima Septembris anno æta-  
 tis sexagesimo sexto decessit non sine  
 maximo mærore pauperum, quorum  
 liberalissimus erat Pater: unde maxima  
 sui existimatione, apud omnes relicta,  
 quæ viget hodie quoque, ejus me-  
 moria cum magno de virtutibus  
 ejus sensu ac præconio adhucdum  
 celebratur. Successit eidem Joannes  
 Antonius ex Baronum Freibergiorum  
 familia, ad cujus electionem Impera-  
 tor Comitem Coloredum ablegabat.  
 Hujus obitum Mense Octobri præces-  
 serat Theophanes Novagardienfis Ar-  
 chiepiscopus, qui olim magnæ Syno-  
 do præfuit.

Ineunte autem hoc anno Alexan-  
 der Horain Samogitiæ in Polonia Epi-  
 scopus ac Regni Senator Regiomont  
 anno ætatis suæ octogesimo quarto vi-  
 vis ereptus est. Hic pariter Stanislaus  
 partibus longe addictissimus querulas  
 ad Papam dedit literas adversus Pol-  
 naniensem Episcopum, eo quod hic  
 Confessariis, qui Augusto faventes  
 juramento in favorem Stanislaus præsti-  
 to liberare renuebant, per Pastorem  
 instructionem rescripsisset, neminem  
 prop-

propter hoc juramentum ab absoluteione Sæc. XVIII.  
 esse arcendum. Sub idem ferme tem- A.C. 1736.  
 pus Parrettius Panormitanus Archi-  
 præful obiit, postquam anno priori Ca-  
 rolo utriusque Siciliæ Regi Regium  
 diadema imposuerat. Successorem ha-  
 buit Rossium Episcopum Melphitanum.

Die autem decima sexta Aprilis Ro-  
 mæ mortalitatem exiit Justus Fonta-  
 nini Ancyranus Archiepiscopus, & ho-  
 norarius Papæ Cubicularius, Præful  
 suo ævo longe doctissimus, qui erudi-  
 tionis suæ famam auxerat solidissimis  
 suis deductionibus juris Pontificii in  
 Comaclensem & Ferrariensem Ducatus.  
 Celebres quoque sunt ejus antiquitates  
 Hortæ, tractatus de eloquentia Italiana,  
 dissertatio de corona ferrea Longobar-  
 dorum, vindiciæ diplomatum, Goy-  
 næus de situ Istriæ, Sancta Columba  
 Aquilejensis, Discus argenteus votivus  
 veterum Christianorum, disquisitio de  
 corpore S. Augustini Ticini reperto,  
 Catalogus Bibliothecæ Cardinalis Im-  
 periali, Athates Iliacus, Codex Con-  
 stitutionum in Canonisatione Romano-  
 rum Pontificum, Dissertatio de S. Pe-  
 tro Urseola, præter plura alia. Insu-  
 per idem Author eruditum opus Comi-  
 tis Marsilii de *Danubio flumine* latine  
 reddidit.

Por-

Sæc. XVIII.

A. C. 1736.

Porro diem quartam Novembri  
vitæ suæ postremam habuit Michael  
Celsus Royerius de Buffy - Rabutin Lu-  
conensis Episcopus annos natus sexa-  
ginta, cujus mortem Mense Julio præ-  
cesserat Honoratus de Quiqueran de  
Bœnujeu Castriensis Episcopus, & die  
decima septima Aprilis anno ætatis oc-  
togesimo primo obiit Franciscus de  
Hauffoneville de Nettencourt Vaube-  
court Montalbanus Episcopus, qui  
Constitutionis *Unigenitus* accerrimus  
vindex solitariæ vitæ percipiens  
anno hujus sæculi vigesimo nono ultro  
Episcopalem Insulam dimisit: Eodem  
ferme tempore æternitatis iter ingressi  
sunt Cyprianus Gabriel Bernardus de  
Razai Engolismensis Episcopus Sorbo-  
næ Doctor & Gratia Dei Abbas, nec  
non Cæsar Joannes Rousseau Nema-  
sensis Antistes & S. Ægidii Abbas  
Præterea die trigesima Decembris factus  
functus est P. Don Claudius du Pré  
Congregationis Benedictinæ S. Mauri  
dignissimus Præpositus Generalis anno  
natus septuaginta quatuor. Denique  
Mense Junio Franciscus D'Andigé  
Aquæ Augustæ Episcopus Fontenelles  
Abbas vivis valedixit.

Præter hosce Præfules ex Principi-  
bus non pauci hoc anno vivere desin-  
erunt.

Sæc. XVIII.  
A. C. 1736.

erunt, inter hos æterna memoria dignus est Eugenius Franciscus Sabaudia Princeps, supremus Imperatoris & Imperii Locumtenens, Consilii bellici Præses, Belgii Governator, Vicarius Italiae. Hic ad Christianæ Reipublicæ defensionem natus est anno supra millesimum sexcentesimo sexagesimo tertio die decima octava Octobris ex Eugenio Mauritio Comite Sueffionensi, cuius Avus erat Carolus Emanuel Dux Sabaudia. Hic in Galliis enutritus, cum ex suis Fratribus natu minimus esset, Sacræ militiæ destinatus erat, ipse vero mutata sententia Regiis prætoriæ cohortis militibus adscribi voluit, fortuna tamen honorationibus progressibus adversante, ipsoque Ludovico XIV. eidem minus favente viginti annorum juvenis Viennam ad Cæsaris aulam contendit, ubi voluntarius miles Cæsareum exercitum imperante Lotharingæ Duce expeditioni bellicæ contra Turcas in Hungaria interfuit, atque in solvenda Viennensis Urbis obsidione cum gregario milite spes, incommoda, & pericula partitus est. Tam præclara ibi stupendæ fortitudinis specimina edebat Eugenias, ut equestris legionis, quæ olim Kuffsteiniana dicebatur, supremus Dux a Leopoldo Cæsare nominari mereretur. Hæc munifica pro-

meri-

**Sæc. XVIII** meritis liberalitas tam ingens erat ce-  
**A. C. 1736.** stioris sui animi incitamentum, ut in  
 obsidione Budensi non tam Ducis  
 quam militis gregarii officium exple-  
 ret, ipse nulla sanguinis parsimonia  
 Turcarum fossas & aggeres inter vol-  
 tantes grandioris plumbi globos lustrat-  
 ret, & ne quidem in brachio graviter  
 vulneratus suorum animos adversus ho-  
 stem confirmare omitteret, propterea  
 ab utroque Principe Badensi Ludovico  
 & Hermanno necnon ab Electore  
 Bavaro, omnibusque supremis belli  
 Ducibus apud Imperatorem summis  
 præconiis commendatus. Pari virtutis  
 laude cum sua legione Neosolii, Stri-  
 gonii, & Albæ Græcæ in Hungaria con-  
 tra Turcas & in Italia contra Gallos di-  
 micabat, non uno vulnere obfirmatum  
 ad vincendum virtutem attestante. Non-  
 dum trigessimus ætatis annus exple-  
 verat, cum jamjam meritorum suffra-  
 gio supremus copiarum Præfectus no-  
 minaretur. Nova hæc dignitas Hero-  
 nostro amplissimum victoriarum cam-  
 pum aperuit, ac primo quidem anno  
 1697. ad Zentam in Hungaria insigni-  
 de Turcis triumphum reportavit, ce-  
 sis hostium viginti millibus, totidem  
 faucis, quamplurimis Tibico flumine  
 haustis, captisque potissimis. Anno  
 hujus sæculi primo in Italia Cremonam  
 inter

intercepit, captoque Villaregio Fran-  
 ciæ Marescallo, Gallos Luccaræ de-  
 vicit, cæsis captisque sex millibus.

Sæc. XVIII.  
 A. C. 1736.

Tertio post anno Gallo-Bavaros ad  
 Höchstadium, & biennio post ad Tau-  
 rinum in Italia profligavit: continuato  
 demum victoriarum cursu Gallos in  
 Belgio, & septendecim præliis Turcas  
 in Panonia ingenti clade protrivit. Tot  
 victoriis clarus, confecta pace Vien-  
 nam rediit, ubi secretis belli consi-  
 liis ad seram usque noctem indefessa  
 assiduitate interfuit, ineunte vero hoc  
 anno ob virium debilitatem in gravem  
 incidit morbum, quo tamen medica-  
 mentis depulso, consueta sedulitate ad  
 publica negotia rursus incubuit. Por-  
 ro diei vigesimæ Aprilis, quæ postre-  
 ma erat vitæ suæ, matutino tempore  
 consultationem, cui interfuit, his ver-  
 bis abruptit: *Hodie laboratum satis, ce-  
 tera differamus ad crastinum, si vita super-  
 ses ero.* His dictis domum reversus,  
 duodecim Nobiles Viros: prandio excep-  
 pit, ipseque pro more suo adventan-  
 tes, & abeuntes humanissime comita-  
 tus est, vespere autem cum Comitissa  
 Bathiany, Comite de Windisgrätz,  
 Comite de Tesin Sueciæ, & Comite  
 de Taroucco Lusitanæ Oratoribus aliis-  
 que Nobilibus chartarum lusui indulsit,  
 usque ad horam noctis nonam, qua  
 eve-

Sæc. XVIII  
A. C. 1736.

evoluta consuetudine sua citius lecto sese commendavit, vix autem exacto unius horæ spatio rursus strato profluens, persolutis precibus coram Carolo VI. Imperatoris, velut eidem valedicturus, effigiem aliquamdiu defixis oculis subsistit, demum vero lectulum repetiit, primario suo Cubiculario demandans, ut alterius diei hora nona illum excitaret. Cum autem famulus, qui in anteriore cubiculo excubabat, Principem tota nocte (quod insolitum quid erat) nec unquam tussire audisset, ea de re Cubicularium monuit, qui tacito pede ad lectum prorepens, Principem suum extinctum reperit. Ita Eugenium rebus gloriosissime gestis toto Orbe clarissimum Heroem furtiva mors in lecto intercepti, cui toties Mars in castris pepercit, postquam vitæ suæ annos usque ad septuagesimum tertium protraxerat.

Erat castitatis studiosissimus, semperque celibem vitam egit, cumque nullas testamenti tabulas conscripsisset successit hæres ab intestato Ludovico de Carignan, defuncti Neptis: Relinquerat in parata pecunia nonnisi sexcentos circiter aureos, quod non mireris, siquidem ad nuperi belli expensas ingentem auri vim suppeditavit, ac in super

super in ædificia, hortos, rariores libros, Sæc. XVIII.  
ros, picturas, imagines ævi incisas, A. C. 1736.  
aliaque naturæ artisque prodigia im-  
menfos pene thesauros profudit.

Alterum hujus ævi Heroem Cæsareo exercitui infida mors subduxit Philippum ex Domo Hasso - Darmstadiensis Landgravium, qui, licet in Lutherana secta a Matre sua sollicitè, probeque institutus esset, vigesimo secundo tamen vitæ an. Catholicæ Religionis sacra edoctus, Lutherum Bruxellis abjecit, ac Cæsareæ militiæ adscriptus in Hungaria, Flandria, atque ad Rhenum se Virum animi magnitudine rei que militaris præstantia inclytum omni data occasione exhibuit. Eapropter supremus vigiliarum Magister, Friburgensis præsidii Gubernator, Generalis castrorum Præfectus, & demum Senatus Gubernator a Cæsare dictus est. Anno autem hujus sæculi trigesimo quarto Viennam ab Imperatore accitus non sine maximo animi jubilo festivæ interfuit solemnitati, qua ejus Filius natu major Josephus in Felwariensem Præpositum inaugurabatur. Demum vero dignissimus hic Princeps die undecima Augusti anno ætatis sexagesimo quinto immortalibus (ut spes est) Principibus insertus est ac majoribus

*Hist. Eccles. Tom. LXXV.* C c suis

Sæc. XVIII. suis hoc ipso felicior, quod in Religio-  
 A. C. 1736. nis selectu sapientior.

Pariter in Etallensi Bavarizæ mona-  
 sterio, persici avidius deglutiti nucleo  
 suffocatus decessit decimo octavo æta-  
 tis anno Maximilianus Emmanuel ulti-  
 mus Wartenbergicæ familiæ furculus.  
 Descenderat ea Domus ex Ferdinando  
 Guilielmi V. Bavarizæ Ducis Fratre,  
 legitimo quidem, impare tamen thoro:  
 quocirca extincta hac linea ejus bona  
 ad Electoralem Bavarizæ Domum re-  
 diere: Die autem vigesima nona Martii  
 viginti annorum Princeps præmatura  
 morte ereptus est Carolus 2do genitus  
 Joannis V. Lusitani Regis Filius. Porro  
 Mensem Januar. vitæ suæ exitiosum ha-  
 buere I. Franciscus Armandus de Gombault  
 Dux de Biron Par Franciæ, qui  
 ex variolis die vigesima octava obiit II.  
 Laurentius Centurione, qui iterato in  
 Genuensis Reipublicæ Ducem electus  
 annos natus nonaginta duos die deci-  
 ma septima ejusdem Mensis vitæ finem  
 fecit. Successorem habuit Nicolaum  
 Cattaneum die quinta Februarii ele-  
 ctum III. Vincentius Gradenigo Vene-  
 tus S. Marci Procurator IV. Clemens  
 Doria Genuensis Consul V. Pignatellus  
 Princeps de Monte Rotundo: die autem  
 vigesima octava Aprilis annos nata  
 sexaginta tres vivere desiit Ludovica  
 Elisa-

Elisabetha Saxonico - Merseburgensis Sæc. XVIII.  
 Ducissa. Hos Mense Majo ad æterni- A. C. 1736.  
 tatis viam sequebatur Ludovicus Au-  
 gustus Borbonius Maini Dux Ludovi-  
 ci XIV. Galliæ Regis Filius spurius ex  
 Francisca de Rochechouart susceptus,  
 qui die decima quarta dicti Mensis an-  
 nos natus sexaginta sex mortalitatem  
 exiit. Die vero vigesima octava Junii  
 vitæ suæ dies nonnisi viginti quatuor  
 annos natus clausit Christianus saxo-  
 Weisensfeldensis Dux, & septima ejus-  
 dem Mensis septuagenaria Maria An-  
 gelica de Montmorancia Luxenburgi  
 Princeps de Neuchatel. Obiit quoque  
 Mense Julio nonnisi triginta septem an-  
 nos nata Francisca Josepha Regia Prin-  
 cept unica Joannis V. Lusitanæ Re-  
 gis Soror, & decima tertia Augusti Ca-  
 rolus Augustus Saxo - Vinariensis Prin-  
 cept, præter Ludovicam Dianam Bo-  
 urboniam Principem de Conte Philip-  
 pi II. Aurelianensis Ducis Filiam, quæ  
 die vigesima sexta Septembris nonnisi  
 viginti annorum Princeps decessit illam  
 ferali necessitate sequebantur Joannes  
 Dux de Granada, & hæreditarius Prin-  
 cept de Lamberg, hic die vigesima  
 septima trimulus, ille nona Septem-  
 bris die septuaginta duos annos natus.

Sæc. XVIII.  
A. C. 1736

Insuper die secunda Novembri  
fato functus est Ludovicus Antonius de  
Pardallain Sondrin Dux de Antio-  
Par Franciæ & Marchio de Montepan  
postquam septuagesimum primum æta-  
tis suæ annum expleverat. Denique  
die vigesima octava Martii Joannes  
Reinhardus Comes Hanoviæ ultimus  
hujus familiæ vivis valedixit, nulla re-  
lictâ prole mascula: quapropter vi-  
cti successorii cum Electorali Saxonica  
Domo erecti successio in Domum Hasso-  
Casselanam quoad Præfecturam Miu-  
zenbergensem & annexa devoluta est,  
cumque Fridericus Sueciæ Rex Guili-  
elmi Hasso-Casselani Landgravii frater  
natus major die decima tertia Aprilis  
anni prioris suo jure in præfati Land-  
gravii favorem cessisset, hinc annuente  
ipso Cæsare Guilielmus renuntiatus est  
Successor. Obstitit tamen Ludovicus  
Darmstadius Princeps, qui, cum Ca-  
rolinam Christinam unicam defuncti  
Comitis Filiam habuerit conjugem  
pluresque liberos ex ea suscepit. hinc  
partem amplissimi Comitatus præter-  
dit, ac præ ceteris Præfecturas Miu-  
zenbergam & Bolenhusium cum bonis  
mobilibus: Hæc tamen controversia ab  
Consilio Aulico-Cæsareo Viennæ  
delata est.

Hic

Hoc item anno die vigesima tertia Sæc. XVIII.  
 Junii Achmetes III. solio dejectus & A. C. 1736.  
 integris ferme sex annis in carcere Tur-  
 carum Imperator contabescens, demum  
 apoplexia tactus, vitæ ac calamitati-  
 bus suis finem imposuit anno ætatis suæ  
 sexagesimo sexto. Successerat eidem  
 Mahumeth V. defuncti ex Fratre Ne-  
 pos, & Mustaphæ Sultani Filius.

## §. LXXVI.

*Scriptorum Religione Catholicorum  
 opera & decessus.*

Hic pariter annus non paucis Erudi-  
 tis Religione Catholicis erat fune-  
 stus, ac vitæ suæ postremus; hos inter  
 primus occurrit Laurentius Josse Le  
 Clerc. S. Theologiæ Professor Tutellen-  
 sis, & Seminarii Lugdunensis S. Sul-  
 pitii Director, qui in controversia Gal-  
 lica circa gratiam neutri parti adhæsit,  
 sed sibimetipsi systema Thomassinio haud  
 absimile fabricavit; decessit porro Lug-  
 duni die sexta Maij: Edidit aenotatio-  
 nes in varios articulos Dictionarii Mo-  
 reryani, Dissertationem circa Autho-  
 rem Symboli *Quicumque* Bibliothecam  
 Richeleti, seu synopsis vitæ Auctorum  
 in ejus Dictionario allegatorum præter  
 plura alia, inter quæ ceteris palmam  
 C c 3 eri-